



AXENCIA GALEGA DE
DESENVOLVEMENTO
RURAL



Fondo Europeo Agrícola
de Desenvolvemento Rural:
Europa inviste no rural



Gobierno de España
MINISTERIO
DE AGRICULTURA, PESCA
Y ALIMENTACIÓN



Xacobeo 21·22

ADDENDA AO CONVENIO DE COLABORACIÓN ENTRE A AXENCIA GALEGA DE
DESENVOLVEMENTO RURAL (AGADER) E O GRUPO DE DESENVOLVEMENTO RURAL
“ASOCIACIÓN DE DESENVOLVEMENTO COMARCAL DA TERRA CHÁ”, PARA A
APLICACIÓN DUNHA ESTRATEXIA DE DESENVOLVEMENTO LOCAL NA MEDIDA LEADER
DE GALICIA, COFINANCIADO CO FONDO EUROPEO AGRÍCOLA DE DESENVOLVEMENTO
RURAL (FEADER) NO MARCO DO PDR DE GALICIA 2014-2020

En Santiago de Compostela,

R E U N I O D S

Dunha parte, a Axencia Galega de Desenvolvemento Rural (en adiante, Agader), representada por don José González Vázquez, conselleiro do Medio Rural, en virtude do Decreto 60/2022, do 15 de maio, polo que se nomean os titulares das vicepresidencias e consellerías da Xunta de Galicia e polo que se nomea, polo tanto, o titular da Consellería de Medio Rural e, por razón do seu cargo, presidente da Agader, con facultades para formalizar este convenio, en virtude do artigo 8 do Decreto 79/2001, do 6 de abril, polo que se aproba o Regulamento da Agader.

E doutra parte, o Grupo de Desenvolvemento Rural *“Asociación de Desenvolvemento Comarcal da Terra Chá”* (en adiante, o GDR), con sede en *Rúa Carmiña Prieto Rouco s/n- Vilalba* e con número de identificación fiscal *G-27383496*, representado por dona Fe Legaspi Valiña, nomeada por acordo da xunta directiva do *14 de marzo de 2017* e facultada para a sinatura deste convenio polo artigo 19 dos seus estatutos.

AXENCIA GALEGA DE
DESENVOLVEMENTO RURAL
CONSELLERÍA DO MEDIO RURAL

Lugar da Barcia 56, Laraño
15897 Santiago de Compostela
T. +34 981 547 354
infoagader@xunta.gal
agaderxunta.gal





AXENCIA GALEGA DE
DESENVOLVEMENTO
RURAL



Fondo Europeo Agrícola
de Desenvolvemento Rural:
Europa inviste no rural



Xacobeo 21·22

EXPOÑEN

Primeiro.- O 13 de decembro de 2016 as dúas partes asinaron un convenio de colaboración para a aplicación dunha estratexia de desenvolvemento local na medida Leader de Galicia, cofinanciado co Fondo Europeo Agrícola de Desenvolvemento Rural (Feader) no marco do PDR de Galicia 2014-2020.

O citado convenio ten por obxecto establecer as regras que deberán aplicar as partes na xestión da estratexia de desenvolvemento local seleccionada polo Acordo do Consello de Dirección da Agader do 16 de novembro de 2016 e, en particular, as funcións e obrigas que asume o GDR como entidade colaboradora da Agader de acordo co artigo 9 da Lei 9/2007, do 13 de xuño, de subvencións de Galicia, e no marco das funcións xerais previstas no apartado 2 da epígrafe III (grupos de desenvolvemento rural) das bases reguladoras aprobadas o 10 de febreiro de 2016 polo Consello de Dirección da Agader, en relación coa xestión das subvencións que vaian a percibir terceiros beneficiarios da submedida 19.2: “apoio para a realización de operacións conforme a estratexia de desenvolvemento local participativo”.

Por outra parte, este convenio regula tamén as obrigas que asume o GDR na súa condición de beneficiario da subvención, nos termos previstos no artigo 8 da Lei 9/2007, do 13 de xuño, de subvencións de Galicia, respecto dos fondos públicos vinculados á submedida 19.4: “custos correntes e animación e promoción territorial”.

Segundo.- En vista da elevada execución que en decembro da anualidade 2020 levaba acumulada a medida Leader no contexto do PDR de Galicia 2014-20, preveuse a continuidade da execución das estratexias durante as anualidades 2021 e 2022, mediante a asignación adicional de fondos á submedida 19.2 (implementación de operacións conforme ás estratexias

AXENCIA GALEGA DE
DESENVOLVEMENTO RURAL
CONSELLERÍA DO MEDIO RURAL

Lugar da Barcia 56, Larañío
15897 Santiago de Compostela
T. +34 981 547 354
infoagader@xunta.gal
agaderxunta.gal





de desenvolvemento rural), que permitiron continuar coa implementación das estratexias nos distintos territorios mediante a selección de novos proxectos que contribuiron, sen dúbida, a acadar un maior grado de desenvolvemento das áreas rurais.

En coherencia co anterior, considerouse indispensable ampliar, mediante a sinatura dunha addenda ao convenio de colaboración inicial, asinada entre as dúas partes o 11 de decembro de 2020, a senda orzamentaria prevista para a medida 19.4 (custes correntes e animación e promoción territorial), coa finalidade de dotar da necesaria cobertura financeira ás estruturas dos GDR que, na súa condición de entidades colaboradoras da Administración na implementación das estratexias, deben dispor dos medios humanos e materiais necesarios para desempeñar as súas funcións de dinamización territorial para a captación de novos proxectos que contribúan a acadar as metas marcadas na estratexia deseñada para o seu territorio.

Ao sinalado nos parágrafos anteriores engadiuse a necesidade de que os GDR participantes en proxectos de cooperación ao abeiro da primeira convocatoria correspondente á medida 19.3 (cooperación leader) garantiran a correcta realización e xustificación dos proxectos presentados, que nese intre estaba en fase de execución.

Terceiro.- En vista da dispoñibilidade de novos fondos para a medida LEADER, con cargo á anualidade 2023, prevese a continuidade da execución das estratexias durante, polo menos, a anualidade 2023, mediante a asignación adicional de fondos á submedida 19.2 (implementación de operacións conforme ás estratexias de desenvolvemento rural). Para este fin, considérase indispensable ampliar, mediante a sinatura dunha nova addenda ao convenio de colaboración inicial, a senda orzamentaria prevista para a medida 19.4 (custes correntes e animación e promoción territorial), coa finalidade de dotar da necesaria cobertura financeira ás estruturas dos GDR, durante a citada anualidade 2023, as cales, na súa condición de entidades colaboradoras da Administración na implementación das estratexias, deben seguir dispondo dos medios humanos e materiais necesarios para desempeñar as súas funcións de





dinamización territorial para a captación de novos proxectos que contribúan a acadar as metas marcadas na estratexia deseñada para o seu territorio.

Ao sinalado no parágrafo anterior hai que engadir, de novo, a necesidade de que os GDR participantes en proxectos de cooperación seleccionados a través da convocatoria 2022-23, garanten a correcta realización e xustificación dos proxectos presentados ao abeiro da medida 19.3 (cooperación leader), que actualmente están en curso de execución; sen esquecerse da importancia do mantemento no territorio destas estruturas que supoñen os GDRs, de cara a unha continuidade nas diferentes actuacións que no ámbito do desenvolvemento rural e da mellora da calidade de vida dos seus territorios veñen levando a cabo estas entidades asociativas.

Cuarto.- A cláusula décimo oitava do convenio prevé que este pode modificarse, ben por iniciativa propia da Agader ou ben por petición motivada do GDR, mediante a subscrpción da correspondente addenda, logo dos correspondentes informes e autorizacións preceptivas.

Quinto.- As partes, conscientes da conveniencia de estender a execución da medida 19 (Leader) do PDR de Galicia 2014-2020 para o ano 2023 polas razóns sinaladas no expositivo segundo, acordan esta addenda de conformidade coas seguintes

CLÁUSULAS:

Primeira.- Modificación da cláusula décima.- Dotación financeira para a submedida 19.4: "Custes correntes e animación e promoción territorial". A cláusula décima queda redactada como segue:

1. Como beneficiario da subvención, a dotación financeira prevista e a súa distribución por anualidades dos gastos en custes correntes e animación e promoción territorial contemplada neste convenio é a seguinte:





Anualidade	Gastos en custes correntes e animación
2016	0
2017	226.789,95€
2018	226.789,95€
2019	226.789,95€
2020	226.789,95€
2021	178.647,68€
2022	178.647,68€
2023	226.789,95€

2. O gasto público total dedicado aos gastos correntes (19.4.A) e á animación (19.4.B) non poderá superar en ningún caso o 25% do gasto público total en que se incorra no marco da estratexia de desenvolvemento local.

3. Correspóndelle á Agader a autorización anual do orzamento máximo que disporá o GDR para os seus gastos en custes correntes e de animación e promoción territorial.

Segunda. Vixencia da addenda.

A vixencia desta addenda iníciase o día da súa sinatura e producirá efecto conforme ao previsto na cláusula segunda do convenio., se ben os seus efectos económicos produciranse en relación ao exercicio orzamentario 2023.





AXENCIA GALEGA DE
DESENVOLVEMENTO
RURAL



Fondo Europeo Agrícola
de Desenvolvemento Rural:
Europa inviste no rural



Xacobeo 21·22

A eficacia desta addenda está expresamente condicionada á aprobación da séptima modificación do PDR de Galicia 2014-20 que á data da sinatura desta addenda está en fase de tramitación. A este respecto, cómpre sinalar que non poderán iniciarse as actuacións previstas nesta addenda con anterioridade á data da aprobación da citada modificación do PDR de Galicia 2014-20.

O presidente da Agader e
Conselleiro de Medio Rural

José González Vázquez
(sinatura electrónica)

A presidenta do GDR

Fe Legaspi Valiña
(sinatura electrónica)

AXENCIA GALEGA DE
DESENVOLVEMENTO RURAL
CONSELLERÍA DO MEDIO RURAL

Lugar da Barcia 56, Laraño
15897 Santiago de Compostela
T. +34 981 547 354
infoagader@xunta.gal
agaderxunta.gal

